



PHARMACOLOGICÆ
SEU
MANUDUCTIONIS
AD
Materiam MEDICAM
LIBER QUARTUS.

De Anthropologia.



Anthropologia est pars Pharmacopœiæ, quæ Medicamenta ex humano corpore desumpta recenset.

Reliquis omnibus materiæ medicæ partibus absolutis, superest tantum ut de Homine agamus, totius universi compendio, ultima ordine non dignitate hexaemerae creationis parte, cujus gratia reliqua omnia facta fuisse creduntur; de quo in genere agere, aut universalem tractatum

edere mihi in animo non est. Sed ut in præcedentibus tribus hujus opusculi libris, seu partibus, ad ea duntaxat, quorum aliquis in medicina usus est, tractanda memet restrinxi, ita etiam hoc in loco de iis solummodo in homine agam, quæ homini ipsi medendo utilia sunt: Ea autem vel à vivo corpore desumuntur, vel à mortuo.

SECTIO

S E C T I O P R I M A.

De medicamentis simplicibus in Officinis usitatis, quæ ab humano corpore adhuc vivente desumuntur.

Simplicia Officinalia ex partibus humani corporis adhuc viventis desumpta sunt; Capilli, Ungues, Saliva, Aurium sordes, Sudor, Lac, Menfes, Secundinæ, Urina, Stercus, Semen, Sanguis, Calculi ex vesica, calculi ex vesica humana Bezoar Microcosmi, *Mont. Exot. 5.* Membrana caput foetus cingens. *Vires.* Capilli commendantur ad capillorum productionem, ad icterum, ad membra luxata, ad hæmorrhagiam vulnerum. *Ungues* carent vomitum, aquas Hydropicorum ducere dicuntur. *Saliva* jejuni commendatur ad venenatos morsus serpentis, canis rabidi, & simil. *Aurium sordes* colicæ laborantibus præsentissimum perhibetur remedium. Extrinsecus medentur ictibus Scorpionum, conglutinant vulnera, fissuras & scissuras cutis. *Sudor* usus proficui esse dicitur contra scrophulas, si cum herba radiceque verbasci mixtus folio involvatur, inque cineribus calefactus imponatur. *Lac* refrigerat, lenit, maturat, oculorum rubedini subvenit. *Sanguis menstruus, Zenith juvenulæ* exsiccat, commendatur intrinsecus ad calculum & Epilepsiam. Extrinsecus sopit dolores podagricos, conducere item dicitur in Peste, apostematibus, carbunculisque, Erysipelata extinguit, pustulas faciei abstergit. Secundina magni fit ad strumas gutturis tollendas, ad Epilepsiam & philtrea compescenda, ad molam & foetum exterminandum, necnon ad animalia enecanda, etiam ea quæ maleficio in homine extiterint. *Urina* calfacit, exsiccat, resolvit, abstergit, discutit, mundificat, putredini resistit, ideoque usus est præcipui intrinsecus in obstructione Hepatis, Lienis, Vesicæ biliaris, Pestis præsertatione, Hydrope, Ictero. Quin & mariti urina hausta (mulierculis Aqua Castoris dicta) partum difficilem facilitare dicitur. Extrinsecus siccit scabiem, resolvit tumores, mundificat vulnera etiam venenata, arcet gangrenam solvit alvum, abstergit surculos capitis, compescit febriles insultus, exulceratas aures sanat, oculorum rubedini subvenit, artuum tremorem tollit, uvulæ tumorem discutit, Lienis dolores sedat. *Præp.* Sal Armoniacum, *Sal Armoniac.* Sal est artificiale striatum, in placentulas coactum, colore ex albo, sapore amaricante

pungente, ex Urina, fuligine & sale communi coactum. Eligatur candidum ac purum.

N. B. Vestigia Salis Armoniaci naturalis superesse videntur in Dioscoride & Plinio, aliisque à majoribus descripti, sub arenis Libycis inventi; verum in Officinis nostris hodie ignoratur. Vide Matthiolum in Dioscoridem. *Vires.* Interne vim habet diaphoreticam, præcipue in febribus resistit putredini. Externe adhibetur in Gangrena carne putrida absumenda. Quinimo Tonsores aquam suam cœruleam inde conficiunt ad albuginem oculorum tollendam. *Stercus* emollit, maturat, anodynum est. Ea propter magni usus ad mitigandos dolores incantatione introductos, ad anthaces pestilenciales maturandos, ad phlegmonem, E. g. gutturis five Anginam curandam, ad inflammationes vulnerum arcendas. Quin & intrinsecus à nonnullis adhibetur in Angina, in Febribus ad paroxysmos profligandos, in Epilepsia. *Semen* five *Sperma* non modo comperimus per se à nonnullis ad Veneris scilicet ligaturam maleficam dissolvendam adhiberi, sed & Mumiam magneticam inde fieri, quo amoris conciliatur fervor. *Sanguis* recens adhuc & calide potus conferre dicitur ad Epilepsiam, si scilicet potum motus excipiat vehementior, cursusque celerior ad sudoris usque pruritionem; Hæmorrhagiam quamcunque sedat. Quin & extrinsecus sanguinis eruptioni medetur, & præcipue narium hæmorrhagiæ. *Calculus Tartarus* five calculos in omnibus partibus solvit, & expelli facit, ideoque omnibus obstructionibus subvenit. *Membrana*, quæ caput nonnullorum foetuum cingit, maximam vim habere dicitur adversus colicum dolorem, *Schrod.*

S E C T I O S E C U N D A.

De Medicamentis simplicibus in Officinis usitatis, quæ ab humano corpore jam mortuo desumuntur.

Simplicia Officinalia ex Cadavere desumpta sunt Mumia, *Mont. Exot. 5.* Substantia est resinosa, indurata, nigra, splendens, saporis subacris, subamaricantis, odoris fragrantis, communiterque quatuor denotat. 1. *Mumiam Arabum*, quæ est liquamen, five liquor concretus exudans in sepulchro ex cadaveribus Aloe, Myrrha, Balsamoque conditis. Quæ, si vera haberi potest, præ cæteris speciebus

